

## ԱՐՁԱՆԱԳՐՈՒԹՅՈՒՆ

**Լոռու մարզի Սարահարթի տուֆերի հանքավայրի առաջին տեղամասի օգտակար  
հանածոյի արդյունահանման աշխատանքների շրջակա միջավայրի վրա  
ազդեցության գնահատման լրամշակված հաշվետվության վերաբերյալ հանրային  
լսումների**

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի (այսուհետ՝ Օրենք ՀՕ-150-Ն, խմբ. 3.05.24թ.) և ՀՀ կառավարության 2014 թվականի նոյեմբերի 19-ի N 1325-Ն որոշմամբ սահմանված կարգով՝ 2025թ. հոկտեմբերի 3-ին ժամը 12:00-ին՝ Լոռու մարզի Սպիտակ համայնքի Սարահարթ բնակավայրի վարչական ղեկավարի նստավայրում, կայացել է «ՍԱՐԱՐՏ ՍԹՈՈՒՆ» ՍՊԸ-ի կողմից փորձաքննության ներկայացված Լոռու մարզի Սարահարթի տուֆերի հանքավայրի առաջին տեղամասի օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման լրամշակված հաշվետվություն վերաբերյալ հանրային լսումը (2-րդ լսում):

Հանդիպմանը մասնակցում էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի, «ՍԱՐԱՐՏ ՍԹՈՈՒՆ» ՍՊԸ-ի (նախաձեռնող) Սպիտակ համայնքից՝ համայնքապետարանի աշխատակիցները, Սարահարթ բնակավայրի վարչական ղեկավարը, բնակիչները, ինչպես նաև շահառու համայնքների ներկայացուցիչները:

Շրջակա միջավայրի նախարարության «Շրջակա միջավայրի վրա ազդեցության փորձաքննական կենտրոն» ՊՈԱԿ-ի ներկայացուցիչ՝ **Հ. Ֆրունզիկյանը** ողջունեց ներկաներին, ներկայացավ և խնդրեց հանդիպման մասնակիցներին ներկայանալ:

**Հ. Ֆրունզիկյանը** ներկայացրեց հանդիպման նպատակը, այնուհետև հայտնեց, որ Համաձայն «Շրջակա միջավայրի վրա ազդեցության գնահատման և փորձաքննության մասին» (ՀՕ-150-Ն) օրենքի 12-րդ հոդվածի 3-րդ մասի 2-րդ կետի թ. ենթակետի՝ նախատեսվող գործունեությունը հանդիսանում է «Ա» կատեգորիայի գործունեության տեսակ և ենթակա է փորձաքննության: Գնահատման հաշվետվությունը ուղղարկվել է տարբեր նախարարություններ և շրջակա միջավայրի մասնագիտական ստորաբաժանումներ որոնք իրենց առաջարկություններն ու դիտողություններն են ներկայացրել, փորձագետի կողմից փորձաքննվել է և ուղղարկվել է լրամշակման, որը լրամշակվել է «ՍԱՐԱՐՏ ՍԹՈՈՒՆ» ՍՊԸ-ի կողմից: Այնուհետև ներկայացրեց արդյունահանման աշխատանքների կատարման ընթացքում հիմնական բացասական



ազդեցությունները կապված փոշու արտանետումների, վառելիքի արտանետումների հետ՝ շինարարական տեխնիկայի շահագործման ժամանակ և այլն, որոնց կանխարգելման ու մեղմման համար պետք է իրականացվեն հետևյալ մշտադիտարկումներ և միջոցառումներ՝

- աղբի կանոնավոր հեռացում թույլատրված աղբավայր, ինչպես նաև շինարարական հրապարակում կենցաղային աղբի համար նախատեսված աղբամանների տեղադրում,
- հրապարակի ջրցանում և փոշու արտանետումների մակարդակների կառավարում ՀՀ թույլատրելի նորմերին համապատասխան,
- մեքենաների սահմանափակ տեղաշարժ՝ 30 կմ/ժ չգերազանցող արագությամբ, իսկ բեռնատարերի դեպքում՝ թափքի ծածկի առկայությամբ,
- աղմուկ առաջացնող աշխատանքների իրականացում թույլատրելի մակարդակների սահմանում և ցերեկային ժամերին՝ մինչև ժամը 18:00,
- վառելիքի և նավթանման նյութերի պահումը իրականացնել բետոնե, ավազե հիմքերի կամ մետաղական անթափանց տակդիրների վրա և այլն:

Ներկայացնելուց հետո խոսքը փոխանցեց «ՍԱՐԱՐՏ ՍԹՈՈՒՆ» ՍՊԸ-ի ներկայացուցիչ Սահարունի Գևորգյանին և խնդրեց ավելի մանրամասն ներկայացնի նախատեսվող գործունեությունը:

**Ս. Գևորգյանը** մանրամասն ներկայացրեց Սարահարթ բնակավայրում արդյունահանման աշխատանքների վերաբերյալ գնահատման հաշվետվությունը, ծանոթացրեց նախագծին և գործունեության իրականացման ընթացքում առաջացող ազդեցությունները շրջակա միջավայրի վրա, և դրանց նվազեցմանն միտված միջոցառումների շրջանակը:

**Հ. Ֆրունզիկյանը** հարց բարձրացրեց կապված հայցվող տարածքի հողատեսքերի վերաբերյալ:

**Ս. Գևորգյանը** պատասխանեց որ արդյունաբերական և ընդերօգտագործման այլ հողատեսքեր են:

**Բնակիչներից** հարց բարձրացվեց մոտեցող ճանապարհների վերաբերյալ, քանի որ տարածքի հարևանությամբ գտնվում են բնակիչների սեփականություն հանդիսացող հողերը:

**Նախաձեռնողը** պատասխանեց որ օգտագործվելու է արդեն գոյություն ունեցող գրունտային ճանապարհը, որը անցնում է համայնքային հողերի տարածքով:

**Բնակիչները** հարց բարձրացրին կապված աշխատատեղերի և բնակավայրում առաջարկվող սոցիալական ծրագրերի վերաբերյալ, և հավելեցին որ բնակավայրում աշխատատեղեր չկան ուստի աշխատակիցները լինեն բնակավայրի բնակիչները եթե ստանան համապատասխան թույլտվությունը:

**Նախաձեռնողը՝** պատասխանեց որ այո ունենք սոցիալական ծրագրեր որոնք վարչական ղեկավարի հետ կքննարկվեն և ըստ առաջնահերթության կիրականացվեն, և հավելեց որ այո շահագործման դեպքում հիմնական աշխատուժը կլինի բնակավայրից, և հարակաից բնակավայրերից, քանի որ ընկերության համար այլ տարածքից աշխատուժ բերելը նպատակահարմար չէ և լրացուցիչ ծախսեր է պահանջելու:

Այլ հարցեր չհնչեցին և **Հ. Ֆրունզիկյանը** շնորհակալություն հայտնեց ներկաներին և ամփոփեց հանդիպումը:

Հանրային լսումների պատասխանատու և վարող՝ Շրջակա միջավայրի վրա ազդեցության փորձաքննական կենտրոն «ՊՈԱԿ»՝

«ՇՄԱՓԿ» ՊՈԱԿ-ի ներկայացուցիչ՝



Հ. Ֆրունզիկյան

«ՍԱՐԱՐՏ ՍԹՈՈՒՆ» ՍՊԸ-ի տնօրեն/ներկայացուցիչ՝



Յ. Բադալյան